

«Հ ֆինանսների և էկոնոմիկայի նախարարի տեղակալ-գլխավոր գանձապետ»

U. Zambardjan
Ս. Ջանջուղազյան



ք. Երևան «06» հունիսի 2000թ.

«Արդշինբանկ» ԲԲԸ-ի գործադիր տնօրեն»

L. Zambardjan
Լ. Ֆարմանյան



ք. Երևան «06» հունիսի 2000թ.

Պ Ա Յ Մ Ա Ն Ա Չ Ի Ր

«ՀՀ ֆինանսների և էկոնոմիկայի նախարարության թվով 1 տեղական գանձապետական բաժանմունքների դրամարկղային սպասարկման»

Հայաստանի Հանրապետության Ֆինանսների և էկոնոմիկայի նախարարությունը ի դեմս նախարարի տեղակալ-գլխավոր գանձապետ պարոն Ս. Ջանջուղազյանի և «Արդշինբանկ» ԲԲԸ-ն ի դեմս գործադիր տնօրեն պարոն Լ. Ֆարմանյանի (այսուհետև կողմեր), իրենց իրավասությունների շրջանակներում կնքեցին սույն պայմանագիրը հետևյալի մասին.

Պ Ա Յ Մ Ա Ն Ա Չ Ի Ր Ս Ո Ս Ր Կ Ա Ն

Սույն պայմանագրի առարկա է հանդիսանում «Արդշինբանկ» ԲԲԸ-ի կողմից ՀՀ ֆինանսների և էկոնոմիկայի նախարարության թվով 1 տեղական գանձապետական բաժանմունքների դուրս գրած կանխիկ դրամի ստացման չեկերի սպասարկումը, դրանց հիման վրա կանխիկ դրամի տրամադրումը և վերջինիս հետ կապված կողմերի հարաբերությունների կարգավորումը:

Պ Ա Յ Մ Ա Ն Ա Չ Ի Ր Ը Ն Դ Հ Ա Ն Ո Ւ Ր Պ Ա Յ Մ Ա Ն Ն Ե Ր Ը

1. Սույն պայմանագրում օգտագործվող հիմնական հասկացություններն են

Նախարարություն՝ ՀՀ ֆինանսների և էկոնոմիկայի նախարարություն.
ՏԳԲ՝ Սույն պայմանագրում հիշատակվող ՀՀ ֆինանսների և էկոնոմիկայի նախարարության տեղական գանձապետական բաժանմունքներ.

Հիմնարկ՝ ՏԳԲ-ներում սպասարկվող ՀՀ բյուջետային (պետական) հիմնարկներ, իրավաբանական անձիք.

Բանկ՝ «Արդշինբանկ» ԲԲԸ-ն.

Կանխիկ գումարի ստացման չեկ (նաև չեկ) օրենքով սահմանված ձևով կազմված արժեթուղթ, որը պարունակում է ՏԳԲ-ի որևէ բանով չպայմանավորված գրավոր կարգադրությունը Բանկին այն ներկայացնողին վճարելու դրանում նշված գումարը կանխիկ ձևով:

Պայմաններ (սահմանված կարգ)՝ Սույն պայմանագրով սահմանված արարողակարգերը և սույն պայմանագրի անբաժան մաս կազմող, ՀՀ ֆինանսների և էկոնոմիկայի նախարարի 2000 թվականի մարտի 29-ի N 38 հրամանով հաստատված «ՀՀ ֆինանսների և էկոնոմիկայի նախարարության տեղական գանձապետական բաժանմունքների կողմից կանխիկ դրամի ստացման չեկերի դուրս գրման և ՀՀ առևտրային բանկերի կողմից այդ չեկերի սպասարկման ընդհանուր պայմանները»:

Պահանջագիր՝ սահմանված կարգով ՏԳԲ-ի դուրս գրած չեկերին համարժեք վերջինիս կողմից բանկ ներկայացվող կանխիկ դրամի ստացման պահանջ
Բանկային ամփոփ ռեեստր՝ սահմանված կարգով սպասարկված չեկերի հիման վրա բանկի կազմած գրությունը

2. Բանկի կողմից չեկերի սպասարկումն իրականացվում է սահմանված կարգով:

3. Սույն պայմանագրի շրջանակներում բանկ ներկայանելու նպատակով չեկեր դուրս գրելու լիազորությամբ օժտված ՏԳԲ-ների ցանկը կցվում է Հավելված N 1, որը սույն պայմանագրի անբաժան մասն է:

ԿՈՂՄԵՐԻ ՊԱՐՏԱԿՈՐՈՒԹՅՈՒՆՆԵՐԸ ԵՎ ԻՐԱԿՈՒՆՔՆԵՐԸ

1. Նախարարությունը պարտավոր է.

1.1 Ապահովել՝ ՏԳԲ-ի կողմից սահմանված կարգով հետևյալ գործառույթների կատարումը.

ա/ չեկերի դուրս գրումը,

բ/ բանկին տրամադրել ՏԳԲ-ների կնիքների, չեկի և այն դուրս գրելու իրավունք ունեցող անձի /անձանց/ ստորագրությունների նմուշները

գ/ չեկերի դուրս գրման օրը՝ մինչև ժամը 16³⁰ բանկ ներկայացնել պահանջագիր.

դ/ բանկի կողմից սպասարկված չեկերին համարժեք գումարը փոխանցել վերջինիս նման պահանջ (ռեեստրի) ստանալու օրվան հաջորդող մեկ բանկային օրվա ընթացքում:

1.2 Մինչև յուրաքանչյուր եռամսյակին հաջորդող ամսվա 25-ը բանկին փոխանցել սպասարկման վճար վերջինիս կողմից տվյալ ամսվան նախորդող եռամսյակի ընթացքում սպասարկված չեկերին համարժեք գումարի հավելված N1-ով սահմանված տոկոսների չափով:

1.3 Սույն պայմանագրի 1.1 կետի «դ» ենթակետի պահանջների խախտման դեպքում յուրաքանչյուր ուշացված օրվա համար բանկին վճարել տույժ՝ չփոխանցված գումարի 0.1 %-ի չափով:

2. Նախարարությունը և Հիմնարկները համապատասխանաբար իրավասու են.

2.1 Բանկի կողմից սահմանված կարգի պահանջները խախտելու դեպքում ժամկետից շուտ դադարեցնել պայմանագիրը: Ընդ որում սույն պայմանագրի 1.1 կետի «դ» ենթակետին համապատասխան իրականացվելիք վճարումներից զանձել սույն պայմանագրի կետ 6-ով նախատեսված տուժերը:

2.2 Չընդունել կանխիկացման չեկի դիմաց բանկի կողմից տրամադրված այն դրամանիշները, որոնք հնամաշ են և չեն համապատասխանում ՀՀ Կենտրոնական բանկի կողմից սահմանված ՀՀ դրամի վճարունակության հատկանիշներին:

3. Բանկը պարտավոր է.

3.1 Մինչև ՏԳՔ-ների կողմից չեկերի նմուշների տրամադրումը, իր միջոցների հաշվին ՏԳՔ-ներին տրամադրել չեկային գրքուկներ՝ դրանց նմուշները նախօրոք համաձայնեցնելով Նախարարության հետ:

3.2 Անմիջապես և առանց վերապահումների սպասարկել սահմանված կարգով հիմնարկների կողմից բանկ ներկայացված չեկերը:

3.3 Չեկերի դիմաց վճարը կատարել << Կենտրոնական բանկի կողմից սահմանված << դրամի վճարունակության հատկանիշներին համապատասխանող պիտանի դրամանիշներով:

3.4 Բանկային ամփոփ ռեեստրները, սահմանված կարգով, մինչև յուրաքանչյուր օրվա ժամը 16⁰⁰ ներկայացնել ՏԳՔ:

4. Բանկն իրավասու է.

4.1 Չսպասարկել այն չեկերը, որոնց դուրս գրումը և բանկ ներկայացումը չի համապատասխանում սահմանված կարգին:

4.2 Չընդունել և հետ վերադարձնել այն պահանջագրերը, որոնք ներկայացվել են սահմանված կարգի խախտումով:

ԿՈՂՄԵՐԻ ՊԼԱՏԱՍԼՆԱՏՎՈՒԹՅՈՒՆԸ

5. Նախարարությունը պատասխանատու է բաժանմունքների կողմից դուրս գրված չեկերի և դրանից բխող պարտավորությունների կատարման համար:

6. Բանկը պատասխանատու է սահմանված կարգով իրեն ներկայացված չեկերի չսպասարկման համար: Ընդ որում սահմանված կարգով բանկ ներկայացված չեկի չսպասարկման համար Բանկը միանվագ վճարում է տույժ՝ չսպասարկված չեկի (չեկերի) համարժեք գումարի 0,3 %-ի չափով:

7. Բանկը պատասխանատվություն չի կրում կորցված /զողացված/ չեկերի սպասարկման համար, եթե այդպիսի չեկը սպասարկել է սահմանված կարգին համաձայն մինչև ՏԳՔ-ների կողմից դրա կորստի մասին տեղեկացվելը:

ՎԵՃԵՐԻ ԼՈՒՃՄԱՆ ԿԱՐԳԸ

9. Սույն պայմանագրի հետ կապված վեճերը լուծվում են բանակցությունների միջոցով: Այն դեպքում, երբ բանակցությունների միջոցով կողմերի միջև ծագած վեճերը չեն լուծվում կիրառվում են քաղաքացիական դատավարության մասին << օրենսդրությամբ սահմանված ընթացակարգերը:

ԵԶՐԱՓՈՎԻՉ ԴՐՈՒՅԹՆԵՐ

10. Սույն պայմանագիրն ուժի մեջ է մտնում ստորագրման պահից և գործում է մինչև 2001 թվականի հունվարի 1-ը:

11. Եթե պայմանագրի գործողության ժամկետը լրանալուց մեկ ամիս առաջ Կողմերից և ոչ մեկը չի դիմել սույն պայմանագիրը դադարեցնելու առաջարկությանը, պայմանագիրը համարվում է երկարացված մեկ տարով՝ նույն պայմաններով:

12. Սույն պայմանագիրը կազմված է երկու օրինակից, որոնք ունեն միևնույն իրավական ուժը և համապատասխանաբար տրամադրվում են Կողմերին:

ԱՅԼ ՊԱՅՄԱՆՆԵՐ

13. Սույն պայմանագրում փոփոխություններ կարող են կատարվել Կողմերից որևէ մեկի գրավոր առաջարկության առկայության դեպքում՝ երկվորյմ համաձայնության պայմաններում:

ԿՈՂՄԵՐԻ ԻՐԱՎԱՔԱՆԱԿԱՆ ՀԱՑԵՆԵՐԸ

«Ֆինանսների և էկոնոմիկայի
նախարարություն

ք. Երևան, Մելիք-Աղայան 1

«Արդշինբանկ» ԲԲԸ

ք. Երևան, Դեղատան 3


01.06.2020


04.06.2020